

Exelénsia Dr. Jose Ramos Horta; obrigada ba ita-boot nia apoiu kontínu ba Peace Corps; Diretora País Timor-Leste Kavita Pullapilly; distintus konvidadus, omólogo-sira no voluntáriu-sira, bondia no bemvindu mai Embaixada Estados Unidos.

Ha'u kontente imi hotu bele mai hamutuk ho ami iha loron ne'e hodi partilla momentu spesiál ida ne'e.

Voluntáriu-sira husi Peace Corps (Korpus ba Dame) refleta ideal aas tebes Estados Unidos nian. Voluntáriu-sira ne'e junta hamutuk dadaun ho grupu selesionadu ida husi Amerikanu-sira ho talentu ne'ebé serbi ona iha Peace Corps dezde Prezidente John F. Kennedy estabelese programa refere iha tinan 1961 (rihun ida atus sia nein nulu resin ida).

Parabéns ba Voluntáriu-sira ne'ebé sei halo juramentu iha loron ida ne'e no omólogo-sira ne'ebé sei serbisu ho sira iha tinan rua tuir mai. Ami entuziasmadu atu haree saida mak imi sei konsege atinje liu husi serbisu hamutuk fó liman ba malun.

Ha'u orgulhu no impresionada ho kompromisu husi feto no mane-sira iha Estados Unidos laran tomak ne'ebé reprezenta sira nia nasaun serbisu hamutuk ho povu iha comunidade sira iha Timor-Leste no mundu tomak.

No ha'u haksolok tebes iha loron ida ne'e hetan onra no priviléjiu atu administra Peace Corps nia juramentu ba servisu.

Voluntáriu-sira, favór hamriik no repete tuir ha'u:

Ha'u _____,

ho ida ne'e jura solenemente (ka afirma)

katak ha'u sei apoia no defende konstituisaun Estados Unidos nian

hasoru inimigu-sira hotu, estranjeiru ka doméstiku,

no katak ha'u sei fiar no iha fidelidade ba ne'e,

katak ha'u hili obrigasaun ne'e ho livre,

sein kualker rezervasaun mental ka propóztu evazaun nian,

no katak ha'u sei kumpri ho fieldade

dever-sira hotu iha servisu-fatin ne'ebé hau sei tama ba.

[Tan ne'e ajuda ha'u Maromak]